

عبدالحق حامد

# والدهم



استانبول

۱۳۲۹

[ مطبعة خيريه وشركاسى ]

27/10/1911.

London.

Dear Sir,

I have the pleasure

to acknowledge

the receipt of your

letter of the 27th

inst.

in relation to

the matter of

the proposed

amendment to

the bye-laws

of the Society.

I am sorry that

it is not possible

to give you a

definite answer

at this time.

The matter is

being considered

by the Council

and I shall be

able to inform

you of the result

as soon as it is

known.

I am, Sir, very

truly yours,

Yours faithfully,

W. J. ...

Secretary.

The ...

...

...

...

...

...

عبدالحق حامد

---

# والدهم



استانبول


«امپراطور» مطبعه سی

۱۳۲۹



مطبوعات الكائنات

# والدهم



چرکستانده برطاغک اتکی  
دلنشین کلبه لرله زینت یاب .  
یدامیه طبیعت ایله  
حاصل اولمش قصور مادر زاد .  
بربرندن اوزاق ، پراکنده  
آشیانلرکه طاملری قاردن ،  
درودیواری خار وخسنددر . —  
کیجه بشقه ، صباحلاین بشقه :  
شن وخندان صباحلاین برکوی ،  
نغمه زن برمسیره اطفال .  
کیجه ، یعنی غروب ایدنجه کونش ،  
سویسو خواب ، کیمسه سز ، سسسز ،  
کوریلیر برحزین مزارستان .

کونشك قارشيسندهده مظلّم ،

اوينابيع رفق ورقّت كه

اشكيز مال اولور قلبه :

صم وابتكم منابر الهام . —

شب تاريك ايله سفيدى برف

نجه سودا اويانديرر سرده .

صانكه اول روستاي نوامى

كلير ايقاظه برطاقم كابوس .

مثلا ديكله نيرسه شاهقه دن

طويولور هاي وهوى بحر سياه ،

كه تقربله دمبدم اورايه ،

اولور امواج بيوجودى عيان .

اراده زمهرير اولور مطرب ؛

شجرستان اوآنده جوشاندر .

أكله نير ، ذوق ايدر وحوش وطيور .

خوكلر نعشخوار اولوب دردهده ،

بربولوطن سقوط ايدر كر كس :



دنیلیر برسیاه صاعقه در .  
 که چیقار دوشدیکي محالرده  
 صدمه سندن بیاض قیغاجملر .  
 چوغالوب هر طرفده قار تیپسی ،  
 صانکه فکر شتا اولور برتر  
 کردباد ضیای جامدکه  
 کتیریر لیلہ رعشه حیرت .  
 مست برف و بخار ، مشجره ده ،  
 رقص ایدر خرسه شکم پرور ؛  
 تشنه خون و کرک صائم ایسه  
 زهر خنده یله کوسترر دندان .

شب مهتاب ، اوبستون بشقه .  
 کوریلیر برجهان در و صدف .  
 رودلر ، موجهلر سکوت و سکون .  
 — بنجه برمنظر یتیمانه . —  
 کزراشباح ایله مخیلهلر .  
 قونوشور روحلر پریلر ایله .

کیه رڪ فکر شاعرانه کفن ،  
 —حرکاتنده موج موج سکوت—  
 طولاشیر عین نائم سیار .  
 خطوه انداز بامدن بامه ،  
 کوهدن کوهه ، برجدن برجه ،  
 بوله رق صکره وقفه کاهنه یول ،  
 کوریلیر آنده خاک ایله یکسان

گاه اوزاقلرده صامت وسا کن ،  
 یارلایان شمشکک ضیاسیه ،  
 کورونور بیک خیال دورا دور :  
 عشق ، اونوزاد دیو سربسته ،  
 عشق ، او طفل هوا پرسته کوره  
 هربری تنک و تار برزندان ،  
 یم سنجاب رنک انخرده  
 سرلری بی نشان اولان طاغیر ،  
 اومعظم مراقدا اعصار ،  
 حرکته ، یواش ، یواش ، یردن ،



صانکه تسلیم ایچون بوداهیه یی

اشنا اولدینی ملکره که

دینلیر خاندانی اونلردر ،

— بیشمار امهات عشق یتیم ،

انجم والہات حسن و جمال ، —

آسمانہ چیقار کی کورونور .

کورونور بر نیجہ طلوع وغروب ،

نیجہ شمس و قر ، کمال وزوال .

نیجہ بیکلرجہ لوحہ شفقت ،

نیجہ بیکلرجہ عجنہ ماتم .

مہد و تابوت و حجلہ ، ہپ قاریشیق

صاعد سمت رأس ، محشر کون ،

اولو بر کر بان کہ پیشندہ ،

— منہی ، بلکه متہادر او —

کورونور حسن بی زوال بشر :

ظل مادر ، او اک بویوک جانان .

کیجہ بشقہ ، صباحلین بشقہ :  
 مثلاً ہند و چیندہ ، آفریقہ دہ  
 کونش ، اورستخیز عالمسوز  
 کہ دینیر جملہ کائناتی محیط  
 کورونن لاجوردی ابدی  
 دود حیرت فرود صاعدی در ،  
 انجم رعشہ ور شرارہ لری ،  
 — نقطہ پر احاطہ جبروت  
 کہ مال بلندی در اکوان . —

دست قدرتہ نوردن برطوپ ،  
 آلت صانع الحیات کونش ،  
 چرکسستانہ روح بخشادر .  
 اورالردن کذار ایدرکن او ،  
 مقتبس نوبہاردن ، آنی ،  
 برکذار اولق اوزرہ قافقاسہ ،  
 سحر آسا ویا غروبہ شبیہ ،  
 نیجہ تصویر لر ہدیہ ایدر .  
 بوسہاوی مصور دوران .

که دینیر رنگرنکی اشیا  
 اثر اختراعی در یرده . ،  
 اثر احتشامی لیل ونهار . ،  
 اوحوالی یه بر نگاهي ايله  
 صانکه فکر وخیال رنگي ویرر :  
 هرشجر برسفید مشعه در . ،  
 قافلر ، کلبه لر بتون بلور .  
 چرکسستان اولور اوکون شفاف ،  
 کون دکل بلکه برشب تابان .

بر شمالی بهار سیر اولنور ؛  
 هربری بر بلند کاخ رصد ،  
 کورونور قافلردن استقبال .  
 بو طبیعی هرملرک کویا  
 اوزدرندن کچن سنین و شهر ،  
 رعشه لر بلکه سجده لرله کچر :  
 او قدر پر وقار ، پر حشمت ،  
 او قدر پر برودت ازمان .



چرکستان، او کشور بیکس،  
بعض کره سمای مشفقدن  
بویله بر التفاته نائل اولور :  
هندی سوزان ایدن کونش یعنی ،  
یوزینی کولديرر بو اقلیمک .  
سایه آفتابدر ، یاخود  
او جهان یتیم و عریانک  
تیتیرر اوستنده سایه یزدان .

بو طلوعات اویانديرر خلقی ،  
مسکندن چیقوب کیدر کویلو .  
کندیسی ایتماش طعام ، آنجق  
آت ، اینک ، هر نه وارسه حیواندن ،  
اونی اطعام ایچون کیدر مثلا . —  
بر اینک کویده خانه صاحبی در ،  
جالب اعتنا و موجب فخر .  
نته کیم آت ده اهل بادیه جه ،  
صاییلیر اقربا و اخواندن .

بر کوی بسله یں اینکلر ایسه ،  
بکله ینلر اوئی کوپکلردر .  
اثر اختلاطدر ، بولنور  
موسقیسنده بعض اقوامک  
حاولامق ، کیشنه مک کبی نعمات .  
اثر اختلاطدر ، بعضاً  
اوکوزی آندیررسه بر دهقان .

چرکستان ، الاله حسنک  
مسقط اولینی در اوراسی .  
افقه طوغری اعتلا ایتمش ،  
بو ممالک بوتون کوزللكدر .  
آشیانلر ، قبیله لر ، سوریلر ،  
راغلر ، باغلر ، وحوش و طیور ،  
رنکر نک محاسن قدرت .  
کورونور طاغده بر چوبان قیزینک  
صاچنک تللر ندده اوضیا .  
ایشیدیلر فقط بو تللردن

کورو نور بر هوا اسر کویا . —  
سیسلر آلتنده کل کی یوزلر ،  
مائی کوزلر یاپان او پنبه کونش  
بو بیاض جنتک ملککرینک  
کوستر بال و پر لرنده هنر .  
کیجه مستور اولان بو ییلدیزلر ،  
صانکه اسرار عشق پر لمعان .

دنیلیرکه چوبان ، ملک ، قرتال ،  
هپسی همرنکدر بو یرلرده .  
تپه لردن ، رؤس حسنادن ،  
برهوادر وزان اولان شب وروز .  
— هپ او صافی هوای امیت ،  
او مبارک نسیم آزادی . —  
قصر مرغان اولان آغاجلرله ،  
ایئلرندن بهایمک ، دره دن ،  
ا بردن ابره نقل مسکن ایدن  
قرتالک اهتراز بالی ویا



چيغلرک ذرو ددن سقو طندن  
عکس ايدر بر صدای برف آلود .  
طويولور بر طنين رعشه رسان ،

آيو پوستنده محنتی بر پير ،  
قوزی قالپاقلرک معلمی در .  
کوه بر رحله در ، سما بر جزء ،  
او قوتور اونلره جماداتی ،  
متن الحان ، مأل الوانی .  
يا بتون قوشلرک کتابی نه در ؟  
او کوچوک موسیقی پريلرينک  
نور و ظلمت دکلې در نوطه سی ؟  
— بونده ظلمت ده ، آم ! بر شيدر ،  
اوده بر رنکدر سرائردن .  
(میلتون) ک جنتی او ظلمتدر .  
ينه اوندن سنوح ايدر کبی در ،  
نغمه مظلمانه اسحق . —  
اسحق او مبتلای ظل و خیال ،

شاعر موت ، او طائر دیمجور .  
 منکر نور ، اولورسه موسیقار ،  
 افادن طوغمه کورد ده شاعر اولور .  
 اوله ماز شبهه سز او بر رسام . —  
 فقط استاد فکر اولور ، یا خود  
 اوستاد لوایح الحان .  
 اکثری آل کی بن او قز لر — که  
 دنیایر زهره نك هوسارلری درسه [۱]  
 پاییلرلر شفق کبی او وایه :  
 دائماً مستعد سوزش اولان  
 عشق ایچون ، حق شاعرانه ایچون  
 روح ایچون بر حریق روحانی !  
 — یا فصل شاعر اولماسون چرکس ؟ —  
 او طرفلرده بر قیزك مثلاً  
 باقشی آندیریرسه شاهینی .  
 اوردینی لندهای وحشینك [۲]  
 صیحه سندن چیقار ، بلوطلردن ،

---

[۱] « هوسارلری » در یرینه « کتیبه سیدر » دیمکده اولور .

[۲] اصلی لندوچه اونسه کرک . بن « ژدیان » معناسنه اولاراق .

بویله یازدم . کرجه « اژدرهای وحشی » دیمکده جائز ایدی .

قیالردن چیقار کی سسلر !  
 بر یخستان این و آن ، یاخود  
 بر دبستان انی و وحشت که  
 آنده حیوان ده سوز بولور دیه جک ،  
 او مربی\* اول انسان .  
 کوندوزین ارلری شکاره کیدر .  
 کاه اولور بر کیکه له عودت ایدر ،  
 کاه بر قورد ایله یا قرتاک ایله .  
 قادین آتش یاقار ، یمک پیشیرر .  
 — یمکی پاستا ، ایچکیسی ایران .  
 اوجاغنده یانان تزکدر که  
 چوجوغک ده اویونجخی اوندن : —  
 انسان انسانه سوء قصد ایدیور . ،  
 یا نیچون آوجی اولماسون چرکس ؟  
 قبه آسمانک آلتنده ،  
 — اختران هپ اولور ایکن نگران —  
 بر کنیش یرده ، صف بصف دیزیلوب ،  
 مزیراقلرله سونکولرله بو کون ،  
 — هپ او ملمون چتال بیچاقلرله —  
 مدنیلر یمکده بر برینی !



نه ایچون قوردی اورماسون یاخود  
 نه ایچون کسمه سون قویون چرکس ؟  
 سفن زرهپوش ایله ، قوت ،  
 یرله یکسان ایدرکن آفاقی .  
 دیکله نن اک زیاده اوروپاده ،  
 جانور طوپلرک غریبوی ایکن ؛  
 نه ایچون سومسون سلاحی او ؟  
 مختلف ناملر ، سبیلر ایله ،  
 شمدی خدعه یله ، شمدی حرب ایدهرک ،  
 بونده غصب ایتیمورمی بر دولت ،  
 بشقه بر دولتک خزائنی ؟  
 یا نه دن سارق اولماسون چرکس ؟  
 صاتمق اوزره - اسیر - نامیله ،  
 مثلاً بشقه بر عشیرتدن ،  
 بن قاپارسهم کلوب اونک قزینی .  
 ینه آنجق تعیش ایتک ایچون ،  
 او نه دن صاتمسون بنم نینه می ؟

شمدی یوقدر تجارت اسرا .  
اونلرک شمدی ، آه ! هپسی اسیر . -  
دیدیکم خیلی اسکی بر تاریخ ،  
بلکه سکسان سنه مقدم که  
بو شقاوت مجاز ایش او زمان .  
شمدی آزاد ایش او بدبختان (؟)

چوق کورلر سده ، امینم که  
چوق کورلر او قالپاق آلتنده  
گاه برق اورسه بر شعاع لطیف . ،  
سایه وحدتنده بر شجرک  
اوییور اولسه بردهای مخوف .  
نته کیم قارلی بوزلی طاغردن ،  
اغرب اولماز چیقارسه بر وولقان .  
ایصینور بعضیسی او کلبه لرک ،  
بر طاقم معنوی اوجاقلرله .  
بولنور ایچلرنده بعضاده ،  
زهره دن مقببس بر آیدینلق .

شعری یازمقدمه بهره‌سز چرکس ،  
حرکاتی ایله اراشه ویا  
مسکتنده ایدر اونی اسکان .

همسری برخيال مونسدر ،  
پیرو ظل مشفق مادر .  
اوغلی برفکر زورمند و جری ،  
قیزی برحس نرم و نازنده .  
برق طینت اوچن مظلم که  
دینیلیر اسمنه دهای بشر ،  
خود بخود کوهسار وحشته  
نیجه مبهم کریمه‌لر یاخود  
نیجه باکر ستاره‌لر طوغورر .  
هم مذکر اوهم مؤنث بر  
شجر میوه‌داردر ، امی .  
نیجه وحشی بدیع‌لرله نیجه  
متوحش پریلرک موجد  
بلکده والدین ماجدی در . —



مهر معنی اولان بو آفت که  
 بر جلدن طلوع ایدر کویا . ،  
 یصدغی کوه قافدر یرده . ،  
 بر سحاب مهیب یورغانی در .  
 قره قوشلر اوکا منوم اولوب  
 ییلدیرملر ایدر منادیلک .  
 کتیرر ساعیان شام وسحر  
 مسقط لاجورد رأسندن  
 اوکا بر چوق لوائح رؤیا .  
 دوردن منعکس بولوحه لرك  
 هربری بر پیام حسرتدر ،  
 افتراق ایتدیکی کوا کبدن . -  
 اوکا لازم دکل ، اویانمق ایچون ،  
 نه اوزاقدن شماتت جمهور ،  
 نه یقیندن مشاعل بلدان .

برك وبارشتا که چوق یرده  
 ضعفانك پلاسپاره سی در . ،

- اوبولوطدن چيقان ايک - اوبياض  
 کلبکلرله ، روزکاره اويوب ،  
 ايصير نرده کورسه بربیکس ،  
 - دينيلير برمریض حمادر -  
 بونک افزون ايدر حرارتی .  
 وطنی سنکزار برف اباد . ،  
 یورکی سرد ، کندی مرد ایسه ده ،  
 کورونور اونده قیزکی حسلر .  
 اوقدرکه دنیلسه جائز اولور :  
 شاهبال ربیعدن دوکولن  
 توکلر - ازهار رنک رنک جبال -  
 ادوات بنای فطرتی در .  
 رقص اشجار ، نغمه ینبوع . ،  
 خنده صبح ، کریه مغرب ،  
 که برندن یاغار افقلره نور ،  
 دیکرندن زمینه شبنملر . ،  
 هپ او آهنگ صنعت قدرت ،  
 بوطیعی تفائس اشعار . ،  
 طرب افزای بزم وحدتی در . ،  
 داستان شبابی در نالان .

حسرت دشت و کوه فصل بهار ،  
 ناز پرور اوزاثر سنوی . ،  
 اورا لردن ده ییلده بر کره ،  
 - زود رفتار اجتناب - فقط  
 چوق عطار ، هدیه لاله کچر .  
 محفل حسن و عشق ایله طولودر .  
 دوکلور هکبه سندن آه و این .  
 - برق سیاردن سریع ، او بر  
 کارباندر خیال ایله یاریشور . -  
 بر افقدن کلیر او بر ساعی :  
 نقش سیرانی کلستان صفا ،  
 عکس الحانی جویبار طرب ؛  
 نظره چشمی وعده وصلت ،  
 رعشه لعلی خنده امید . ،  
 روزکارنده بیک رواج ایله  
 نغمه لر ، بوسه لر اولور پر آن .  
 شمدی سکسان ییل اولملی کچمش ،  
 چرکستانده بر صباح ارکن ،  
 اورمانک ذیللری اوتر بردن . ،  
 مترصد باشنده اشجارک ،

او کوچوك كوزلى بكجیلر — صانکه  
 دوردن کورمش ، ایلورلرایدی  
 خلقه اعلان که لیل جیلادن ،  
 مهر انورله ، زیب و زیور ایله  
 طوغیور برده بر مه انور ..  
 ماه کلخنده ، ماهتاب طیور ،  
 — چرکستان حدودینی کچمش ،  
 کلیوردی ، اوت ، اوکون نیسان .

بو زماندهیدی ، طاغده برتهده ،  
 عمرینک نشوۋ ربیعی ویا  
 نشئۋ عنفوان موسم ایله ،  
 سحری برچوبان قوال چالیور ،  
 — اوغریبانه ساز وحشت که  
 بزه بر چوق غروب ایدر اخطار . —  
 متفکر ، اونک یاننده ایسه ،  
 مخطر صبح وشام بر پیکر . ،  
 بر خیال بسیم اسمر ایله

چوبانك تابع هواسی اولان  
 چکیلر، هپ اوارککی، دیشیسی،  
 صاحب ریش اولان آغیل خلقی،  
 بهت وحیرتله دیکله یوردی بونی.  
 دوردن آفتاب نو طالع،  
 سمت مشرقده بر شلاله نور،  
 رشحات حیات بخشی ایله  
 ایلوردی بولوحه یی ریان.

بری کییمشدی بر قویون پوستی،  
 بوچوبان، دیکری سراپا سرخ،  
 عسکری بر قیلقدہ، الدہ توفک،  
 کمرنده سلاح کونا کون،  
 بر یکیت هیئتنده که — بوده قز!  
 — او قیافت بوتون ایپکدن ایدی،  
 اسلحه یسه بوتون کوموش، آلتون.  
 کوکسنه طاقدینی فشکلکدر،  
 پارلایوردی نشان کی، بونلر



بلکهده رتبهٔ اصالتی  
 متجلی قیلان نشانلر ایدی .  
 سر بالاترنده اطلسدن  
 بر دمت غنچه یه مشابه اولان  
 قرمزی تقیه سیله صاحلرینک  
 رنگی بر قات دها اولوردی سیاه ،  
 که افقدن طلوع نیردن ،  
 مستفیض بهار اولان هرشی  
 هر طرفدن زیاده قیرلرده ،  
 اومغنیٰ عزلتک بو ایدی  
 ایدن اشغال مائی کوزلرینی ..  
 صاریشین بر غریب ایدی بو چوبان .

وار ایدی بونلرک میاننده  
 مائل انکشاف بر حالت .  
 — بونی کورمزدی بلکه کندیلری . —  
 محتفی ، مجتنب نظرلر ایله  
 روحدن روحه بر ضیای لطیف ،

گذر ایتمک یولنده بر صحبت .  
قلبدن قلبه ناقل معنی ،  
— قلبدن قلبه بر سلامه شبیه —  
بر حرارتدی ایلهین جریان .  
شمدی بایقوشسه شمدی بلبل اولان ،  
گاه و بیکاه قورد ، قویون یاخود  
چاغلان سسلری ویرن بوقوال . ،  
شوילה تقریر حال ایدردی قزه :  
سوکلم ، نوبهار کلدی ینه ،  
کولیور اشته هپ بنات چمن .  
آچلوب کوك ، ملائک موسم  
دشت وکوه زمینه رنگارنگ  
نورلر ، خندهلر نثار ایتمش .  
حی وجامد بتون شو هیئت ایچون  
بیله بر کره بر دوکوندر بو . —  
بر اولوب بزده اقتدا ایدهلم  
بتون اشیایه ، جمله آفاقه .  
ایسته سیدک بونک کبی برچوق  
سورلر ، نوبهارلر کورمش ،

حجله‌گاه طیور اولان شو چنار  
 بزه بر آشیان اولوردی بوشب .  
 مه‌تابنده مشعل مقصود ،  
 شاهد اتحاد منر انجم :  
 او شهود بقا که لیل ونهار ،  
 ابدی کوزلریله محکمه  
 کبریادن بو ارضه در نکران .

دختر احتیاط پرور ایسه  
 صانکه طرز تفکریله بوکا  
 دیردی : هیات ! قورقارم بن که  
 اونلرک شاهد اولدینی حالی  
 داردن داره فاش ایدر قوشلر .  
 نوبهاره کلنجه بر آندر .  
 قورقارم بن که نشئه وصلت  
 کچه جکدر بهاردن ده سریع .  
 نه قدر چوق سورر ایسه سورسون ،

قیصه در موسم شباب بوکون .  
حسن ایله قائم اولدیغیچون عشق ،  
اوله ماز استناده پک شایان .

قوال اولمازدی حالبوکه ملزم ،  
شو مالی ویریدی نغمه سنه :  
بیلیرم ، آه ، والدینک که  
کبرای قبیله مزدندر ،  
بوسفیله تنزل ایتمز لر . —  
اونلر گدر شو کوردیکک کچیلر ،  
شو اینککر بو تارلالر ، حتی  
اونلرک مالی سن ده بر جیران .

چوبان عقلیله بن غریب ایسه — آه !  
أسیور بر هوا بو طاغردن ،  
بر هوای جنون که عقله سقط ! —

اونودوب فقر حالمی ، بعضاً  
 سایه‌سنده تعیش ایله‌دیکم  
 سوریلر نوبه‌اردن حاصل  
 شو طوارلر ، شو پنبه ، مائی ، بیاض ،  
 اوچوشان طالع‌لر میاننده  
 سنی‌ده کورمک ایسترم رقصان .

بر سنه صوکره شبه‌لر زائل ؛  
 حسن پروسه‌یله عشق جری  
 نعمت اشتلافه نائل اولور .  
 موسمک ، موقعک مساعدی  
 ابوینک ، امام و مختارک ،  
 روستاخلقنک رضاسی ایله  
 حمله‌گاه ایلشیدیلر اغیلی .  
 بوحریم جماله مأذون عشق .

بر کوچوک قز ، او طاغ تصادفک



ئمراتندن اولمق اوزره ، كوزل  
 بر كوچوك قزله ھمنشین بونلر ،  
 زوج وزوجه بوكنیچ پدر ، مادر ،  
 یاشایورلردی خرم وشادان .

بو ملك یاورسی چوبان قزینه  
 لالا اولمشدی بر چوبان کوپکی ،  
 سوری یه باقدینی کی اوکاده  
 کیجه کوندوز نکاهانلق ایدر ،  
 اوتهدہ والدین امین بوندن  
 ایشلریله اولوردیلر مشغول .  
 اوزمان بش یاشنده قزجغزک  
 بو نکهبانی اوچ یاشنده ایدی ،  
 لالاسی اولدوغی چوجوق کویا  
 اوکا ایتمشدی بر زمان دادیلق .  
 — قز چوجوقسه کوپک بیکدی اوکون —  
 که اولور صوکره طاغلرک ، سورینک  
 متحکم ، یکانه حامیسی .

اڻ بيوك دوستي بر چوجوق ، اوتده  
 دشمن جاني اشقيا ووحوش .  
 اوزرندن ڪچر بوعائله نڪ  
 بويله بر قاچ بهار خوش گذران .

فڪرت انڪيز بر قيش آقشامي که  
 منتظر انجماده هر جانب ،  
 قوزيلر ، قوشلر ، اهل دشت وهوا ،  
 بر اشارتله سمت مغربدن ،  
 مفترق ، متحد ، مطيعانه ،  
 اوليورلردی راجع مسکن :  
 — ليل زنجييه منهي اوله جق ،  
 حبشي بر طاقم خيالتلر .—  
 عازم ازوا اولان کونشه  
 بو کوچک قزده اقتدا ايتمش .  
 کوزجيسيله برابر ايرماقدن  
 تپهيه عودت ايتمک اوزره ايکن ؛  
 کوچک نعره سيله بر آنده ،

دره‌دن عکس ایدر صدای سلاح ؛  
 صکره اصوات نعل ، صکره سکوت !  
 که چوبانله رفیقہ سنی اوزمان  
 دیشاری اوغرایوب تفنکدرله ،  
 متقابل کلیر شو هائلہ یه :  
 کلب مجروح ، خونفشان دهنی ،  
 کلب عطشان انتقام اما :  
 محضر ایرماغک کنارنده ،  
 یالکز قویروغنده رعشہ جان .

مادر اوندن سؤال ایدر قزینی  
 پدر ایرماقدن ایلر استمداد .  
 اوتہ یانده یسه ظل مثال وسریع .  
 لحظه لحظه اوزاقلاشور ، کوچیلور ،  
 ظاهر اولمقده بر یغین ظلمت ،  
 برسیه نطفہ . ، بر طاقم آتلی !—  
 قزجغز بونلرک ایچنده ایدی .  
 ابوینک نه حاله کلدیکنه ،  
 دوشونلر خیر اولور ، حتی

چو جو غك ده نه سته كيتديكنى ،  
 شهه سز حس ايدر مطالعلر :  
 يوللرى منتهى اولور صخومه .  
 اونده بحرى سفر زمانى كاير ،  
 چونكه برى سفر بولور پايان .  
 اوليورلر ديمك دكل پويان .

طالب اولمش صخومده بر تاجر ،  
 مشترى حيات بر بايقوش  
 صاتون آلمشدى نوري ظلمتدن !  
 منتقل اشقيادن امواجه ،  
 قاجيرانلر سياه ، كلديكى ير ،  
 كيتديكى يول سياه اولان بو يتيم ،  
 بو يتيم سفيد و سرخ و سياه .  
 كميده بر تصادف مشفق ،  
 — طايا — ديرلردى بر چوجوقلى قادين ،  
 صاتيلق بر نينه يله هممه اولور . —  
 كمى بر تكنه ، بر چوروك يلكن .

یو جیلر سه بوتون او یولده ایدی:  
 انالر ، قز لر ، اهل جهل اسار ،  
 کیدیورلردی هپ صائق ایچون !  
 — ایکی آیده طربزونه ، اورادن  
 سینوبه ، صامسونه واک صکره ،  
 دها بر چوق بلایه اوغرایه راق  
 سمت مقصوده طوغرولور تکنه .  
 — تکنه باتماز فقط حموله سی ده ،  
 یولده چوق کره اکسیلیر ، آرتماز . —  
 حاصلی هپ چولق ، چوجوقله طولو ،  
 صوده آیلرجه صاللانان بو بشیک ،  
 یانا شوب آسانه یه بر کون ،  
 اسرایی دوکر اسیر جیلره :  
 بی مکانلر بولور او یولده مکان .

نسیه سننه اوزون ، نارین ،  
 صاحی قومرال ، یناقلری آل اولان  
 بو کوچوک شیده واردی بر عظمت .



صاچنك رنكنه شباھت جو  
كوزلری پرتأمل ، اینجه ، اوزون  
قاشلری مشغَل تَقَالَ ایله ،  
— صانكه مستقبله اشارتكار —  
طرز و طورنده سرو حکمتلر .  
— کتدیسنجه اوبالطبع مجهول —  
شوقدر وارکه بعض یرلرده  
علمه بکزر جهالت صبیان .

بر درین سری حامللاً ناقل  
کبی بر طرز ایله ، دکزده بو قز ،  
نصب ایدوب کاه افقلره کوزینی ،  
حرکتسز آغیر ، آغیر دوشونور ،  
ابدی المال موجهلری  
اوقیورمش کبی طورور ، لکن  
صکره بردنبره چوقلاشه رق ،  
چرکستان بایرلرنده قالان  
قوزیلر ظن ایدردی مارطیلری :

اونی تشیيع ایچون قانادلانمش ،  
 اوچورلردی غالباً سوریلر . -  
 کوپکندن فقط اثر یوق که ،  
 کیم بیلیر ؟ بلکهده دوشوندیکی او .  
 او کوچوک قلبی صانکه ایلک دفعه  
 رعشه دار ایله یین بیوک هجران .

برده لیلاً کوروردی پر رقت  
 قمرک زیر سایه سنده نیجه  
 نیجه اشکال الان سحابه لرك  
 بر چوبان کسوه سنده بعضیسنی ،  
 صکره بر بشقه لوحه شفقت ،  
 او قمردن زیاده پر احزان !

بونلرک هپسی دایه دن منقول . -  
 بشقه بر قزله - بر کوچوک چرکس -

اوده غایت کوزل وبر یاشده ،  
 قارذش اولمشدی خود بخود بو یتیم ،  
 — راه محنت ، ره سفالتهده ،  
 ره غریبتهده همراه وطنی . —  
 اوزمانلر اویون کلیر هر شی .  
 مثلا تکنه برصالنجق ایسه ،  
 مارطیلر ، طالغالر ، اویونجاقدیر ،  
 یلدرملر فشنک . — اولوم مجهول .  
 فورطنه وقتی اویقودن قالقار .  
 فورطنه وقتی دائماً اویانیق .  
 مادری اولمایان بویدبختک  
 اسمی اولمشدی دختر طوفان .

مادری اولمایان بوبیکس قیر  
 بیکسانه باقاردی مادرجه .  
 خسته لرکه دکز طوتانلردر ،  
 اوندن ایلردیلر امیدشفا .  
 اوشفا بریو طوم صو . — کویاکه

بو مددکار اولان یتیمیت ،  
 قارشی طورمش اولوردی فورطنهده ،  
 بحر پرزوره بریوطوم صوایله .  
 — بحر برزور او عالم غلطان ! —

عالم آب ، عالم مائی . ،  
 بحر اسود . — اومادر ایتام . ،  
 اودروننده رنک رنک صفا ،  
 نیجه دردانه لر یاتان مادر . ،  
 مادر آسمان تقای ملیح ،  
 مادر حشر پرور دهاش !  
 بحر اسود ، او ظلمت زخار . ،  
 بحر اسود ، او اظلم ابجار .  
 اوقارارمش ، کوچولمش اوقیانوس . ،  
 هنده غایت بعید اولان عمان .

بزه حالا یقین ، بزم بر آن ،

صوکره بزدن جدا کبی کورینن ،  
 ماتم انکیز قلزم حسرت . ،  
 شمعی بز لرجه بر بحیره لوط ،  
 اشکریزنده بر یم محصور . ،  
 قزی ، ساعیلریله، دزدانه ،  
 هپسینی آق صاچلی هم ده هر دم شاب  
 او جنود ابد نمودی ایله ،  
 چرکستانده بر کوچوک دزه دن  
 قویاروب تختگاه اسلامک  
 اک جهانگیر ، اک قریب سما ،  
 اک کوزل نقطه سنده : چاملیجه ده ،  
 بر بویوک گوشکه رفع ایدن سلطان .

چرکستانه حاکم اولماسه او ،  
 اولماسه خلقی تاجر اسرا . ،  
 اولماسه قز لر اونده هپ محکوم  
 انادن طوغمه بر اسارتله . ،  
 والدین اولسه ده مصون القحط ،



اعتقادنجه هر كسك اوراده  
 او اسار اولماسه دليل يसार . ،  
 اولماسه پايختمزده مساغ  
 يو اسير آلاجه - اويونلرينه . ،  
 صاحبي برفريد افندي اولان ،  
 ديديكيم كوشكك انصانده  
 اولماسه باشقه بر اقامتگاه . ،  
 اولماسه اونده بر كوچوك منلا ،  
 صاحب دارك اوغلي بر چلي . ،  
 اولماسه قومشولر مياننده  
 عاشقي بر مقارنت موجود ،  
 اولماسه حاصل ي بورابطه لر ،  
 بو خطالر ، بو خوش تصادفلر ،  
 بنده اولمازدم اولمايه جسيان .

برينك نام وشاني بر تاريخ . ،  
 برينك خانداني افسانه .  
 اوغلك نسلي برفروزيور ،

افقی بر حریق دورا دور .  
قزك اجدادی خاك و خاكستر ،  
قارلر آلتنده بر شب مدفون .  
او اوغل والد ، او قزده نینهم . —  
برینك اصلی بر کنیش ماضی . ،  
برینك اصلی بر بیوك نسیان !

ایکی کوشكك بری بو قز جغزك  
تربیتگاهی ، شمدی ویرانه .  
بری ده حمله گاهی ، شمدی آخور !  
برینك پك یقین جوارنده ،  
برینك قارشینده ، شمدی ایسه ،  
طورینور سنك قبر پر توری !...  
بن اونك اوغلی روح فاتحه خوان .

پدر ایران دن ایتمدی عودت . ،

اوکا کیتمشدی والدہم حسرت .

دادرم فینلدی اونلره رجعت .

شادروح اولدیلرکه جملہ سنی ،

ابوینیلہ ، امہاتیلہ ،

بتون اجداد منزله بر ارادہ ،

غرقہ رحمت ایلہ سون رحمان .

بری خیراللہ بن عبدالحق .

دیگری منتہا خانم ، قادینی .

صانکہ اولمشدی برلہ شوب بونلر ،

کیمسنہ سزلک اصالتک یاریسی .

— طایا — صائب بکک رفیقہ سنہ ،

— خالہ زادہ مددی او ، صبیحہ خانم .

دایہ اولمشدی . بشقہ قز دیدیکم ،

یولده کی قز اشته من صاحب

بکک اولمشدی مادر پیری !

یولده قاروشلک ایلہ یں قز لر ،

واصل پایتخت اولور اولماز ،

غائب اولمشدیلر ، کہ چوق صکرہ ،

نہ تحفدر تصادفات جہان !

برله شیرلر وتا اولنجیه دک  
متمادی اولور او قاردشلك .  
برله شیرلر ، اوت ، نصل لکن ؟  
برینک اوغلی ، یعنی صاحب بک ،  
آله رق دیکرک کریمه سنی !  
یعنی همشیره معززه مک  
دوکونندن براز زمان صکره  
طانی شورلر : حکایه ایلهرک  
کترین تکنه ماجرالرینی .  
خواب کونا بو یایمه قاردشلك  
دها مقبول اولور حقیقیدن .  
دها مشکل ده اولانی زیرا  
دکل ارثی او اختیاری در .  
یاشلانورلر بو یولده . حاصلی بو  
اسکی قزلر ، بو تازمه والده لر  
یکیدن بویله برله شیر او زمان .

صکره ماتملی . ، صکره منزولا

بو ملڪلر اولور اسيرفراش .  
 — دنيلير بيلمه مشدی حال اسار. —  
 منتها ، دلہزار . هر ايكيسي ،  
 شيمدی کوزدن نہان او نادرہلر ،  
 خواب آسودکی رحمتہ ،  
 پيرو کاربان خاموشان .

والدهم امیہیدی . ، امیہنک  
 وار ایدی ازبرندہ برچوق علم .  
 قونوشورکن سیاق حالہ کورہ  
 اویلہ اشعار اوقوردی مرتجلاً  
 کہ صدا سندنہ کی حلاوت ایلہ  
 طرز تقریر دلپذیرندن  
 صانکہ برقات دہا اولوردی ملیح .  
 « نہمہ لازم بنم او غنچہ تر  
 بکا کو کلمہ کی بہار یتر »  
 کی اشعار ایلہ ترنم ایدر ،  
 وخصوصیلہ بر ملک کی او

نه مبارک طورردی ، بن بیلیرم ،  
ایدیورکی تلاوت قرآن !

پدری کورمز اولدیغیچون سان  
که تحاشی ایدردی کورمکدن :  
صوك زمانلر علیل اولان کوزینک  
کوردیکی برخیال ایدی آنجق :  
عملیاتی ایسته مز ، سومز . ،  
دیرایدی دایما - نه کورمک ایچون ؟  
- بزی کورمک ایچون - دینجه کولر .  
— سزی طویمقدهیم ، بوکافی در ،  
صاغ اولک ، سز کوروک بودنیایی . ،  
بن ده کورمش کی اولور ، کولرم . —  
کولرم دیرده ، ایتسه کز دقت ،  
کورو نوردی ایچین ایچین کریان .

یاشامقدن ده بزمش اولملی که  
 سنی سورسهر جواباً او  
 - بلکه اوچیوز یاشندهم - دیر ایدی .  
 چارهسی دار آخرتده اولان ،  
 چکدیکي درد مزمن ماتم  
 ایتسه آنجق ایدردی کسب سکون ،  
 اوله رق سجدهسای سجاده .  
 قیلورکن نماز اولوردی اونک ،  
 صانکه محرابی خطه ایران .

تکنه دن بلکه اللی ییل صکره ،  
 - تکنه اولمشدی برواپور اوزمان -  
 ریزه دن عودت ایله یوردق بز . ،  
 باقه رق بجره - بز دکشدک هپ ،  
 دیدی ، لکن دکشماش بودکز ،  
 عصر لردن بری تهورده ،  
 عصر لردن بری جلال آباد . ،  
 کندی حالا او ییلدیکم آفاجان



بی حالا چو جوقی ظن آید یور ؟  
دایه لر نابدید اونکچونمی  
طاغه چیقمقدده کوردیکم طغیان ؟ —

بویله بعضاً لطیفه لرده ایدر ،  
یاد ماضی بی چوق سور ، دوشونور ،  
وصور ارسه ق نه در دوشوندیکی شی ،  
— روحلر ! — دیردی ساکت وصامت :  
متفکر طیور عتقا که  
غارب کشور سرائردر . ،  
بی پروبال ، دائم الطیران .

کهکشان طوائف علیا . ،  
بعضیلر دیر — کواکب خولیا . —  
شمدی اونلردن اولدی کندیسی ده .  
طائف اللیل سر وحدتدر .

جزء ناچيز مرجع اصلی .  
 قعر بالاترين هستيده  
 هيچان مؤبد هيچي .  
 منتهای حقيقت خلقت  
 رحم رحمتده مادر عريان

شبهه يوق ، ساكنات عليين  
 ايشدر او روى استقبال .  
 — سن كه بزدن ايدك ، ديمشردر ،  
 نه ايشك واردى ارض سفليده ؟  
 بكليور زوجك ، ايسته اجدادك .  
 كلير البت يقينده اولادك .  
 كيدهلم بارگاه عزته ، كل  
 اولالم آنده مغفرت جويا  
 یرده ترك ايتديكك اسافل ايچون !  
 غايه صبر و غايه طاعت :  
 عالم بي نهايه غفران .

اولشز بی نشان روحیت ..  
 تابع جلوۀ الوهیت .  
 تا ازلدن مؤبداً آتی ،  
 تا ازلدن مؤبداً عارج  
 نوحات جهانہ سرحدساز . ،  
 کوششز ، دیدہ سز ، سمیع و بصیر ،  
 مالک نظرہ خرد فرسا . ،  
 حاکم کائنات بی پایان !

یرده آنجق خیالی قالمش اولان  
 او سمارو حقیقتک یرده  
 بز وارز یادکار فانیسی :  
 دینیلیر خاکدانی بز سیار .  
 بوتحسسلہ بن ہلہ بعضاً  
 اولورم کندی کندیمہ زائر . ،  
 مرده فریاد ، زائر مہوت ،  
 حامل قبر ، زائر ویران . !  
 عالم خواب بر غریب عالم .

کندی دنیاده یوق اونک مثلاً ،  
 بزه رؤیاده کندی در کورینن . ،  
 یوقلغندن نه او نه بز اگاه  
 نه ده رؤیا دیرز او حالته بز .  
 سه ویشیر ، سویله شیر فقط سس سز ،  
 اولورز هپ خیال او عالمده . ،  
 اولولرله مکین اولور دیریلر .  
 اویاتنجه حقیقت اویله دکل . ،  
 اویاتنجه اولوم حقیقت اولور .  
 عالم خواب عین فلسفه در :  
 اولیور برله شوب حیات ومات ،  
 آنده دنیا و آخرت سیان !

والدهم مظهر محاسن ایدی ؛  
 یالکز حسن ظاهری یه دکل ،  
 همده مظهردی حسن اخلاقه .  
 وار ایدی خلقت بلندنده  
 او تواضع که جلب حرمت ایدر .

تربیتکاهی بر قوناق . ، - بنجه  
 کندینک کندی در مریه سی . -  
 اوپله خلق ایتمک ایسته مش قدرت .  
 حال و طوری بری تکبردن . ،  
 حال و طوری فقط کبارانه .  
 جمله نزدنده بر سه ویلی قادین . ،  
 کیمسه بی سه ومن آشنا بر ذات  
 اونی غایت سه وردی . ، هپ بیلیرن . ،

او کا ایتشدی خضر استحسان .  
 کندی ده هر کسی سه ور یا خود  
 اوپله ظن ایتدیرردی هر کسه او .  
 کیمسه بی قیرمامشدی عمرنده . ،  
 عمرینک نصفی زمان کرچه  
 خرد و خاش ایله مش ، بیتیرمش ایدی !  
 یوقدی حقنده مشکی بر قلب . ،  
 نه ده دارغین باقیشلی بر وجدان .

\* والدك شمدى نابديد ، آنجق

ينه بر والدك وار اى حامد !

سن دعا ايت همان او وار اولسون .

چونكه اوندن طلوع ايدر هر كون ،

نيجه بيكگرجه والد ومولود .

اونك اولادى اردو وار موجود ،

كه يولنده فداى جان ايدور :

اونك اولادى ملت ودولت .

كرچه خائىلر ايتديلر مجروح .

قالماز انجق او بر زمان بيروح !

بولنور همده چاره علت .

كه تظاهرده در علاماتى :

يعنى مى اولان مدافعه لى .

خواب پر اضطرابدن صكره

اثر ابتباه ، اشارت خير !

قيلوب اجداده امثال اولاد ،

بر كون انسان اولورده حقيله ،

جانورلردن انتقام آلورز !

---

\* اثرك بوندن صكره سى حال حاضر ايچوندر .

ياشاسون ! مادر وطن ياشاسون  
که بو کون بزلی اودر ياشاتان !

سینه سندن او بخش نعمت ایدن  
انا بزدن امید خدمت ايدر .  
آلمادن تارینی او والدہ نک  
بزی اولدیرمسین اونی یارادان ! —  
حق نصیب ایش ، نه موطلو سکا :  
ياشادک سنده سایه سنده اونک .  
ینه محضا اونک توجهی در  
سنى شادان ایدن فیوضيله ،  
سکا بر نام و شان ایدن احسان !

اوقو ، بر مسلمانسهك ای قاره ،  
برینه فاتحه بو آننه لرك . ،  
برینه داستان فتح و ظفر .



حترافات بر فلا کتدر . ،  
 مانع انتظام تام اوله رق  
 متبج انهزام عام اولور او !  
 کل وطنداش فقط کوجنمه بکا  
 کل بر باز سنی بنلی سویلشه لم .  
 کندکی ذروهیه چیقارمق ایچون ،  
 بنی ایندیرمکی مرام ایتمه . ،  
 اویله بر ، ارتقا تنزلدر . —  
 چیقیورکن ، بنم کبی سن ده  
 بنی ارقایه اهتمام ایله ،  
 بنی ارقایه اهتمام ! ... او زمان  
 هپمز بردن اعتلا ایدرز . —  
 فرقه لر باعث اولدی تفرقه یه ،  
 صکره اوندن نه حادث اولدی دوشون ،  
 دشمنه قارشی بر دکل یالکیز ،  
 وطنه قارشی ده بر اولملی یز . ،  
 دائما بر ظهیر یکدیگر ،  
 بونده یکجان ویکوچود اولالم ...  
 اولورز یوقسه خاک ایله یکسان !

یا لکز خاک ایله دکل اویله ،  
هم ده دشمنله یکدل ویکتن . ،  
اولورز ملعتله محکوماً  
طبقات زمانه دن مطرود !  
کوکده انجق تمسخر طالع . ،  
یرده انجق تفسخ تاریخ !  
صاعده طوفان لعنت ونفرت .  
صولده بر حشرونشر استحقار ! -  
برده ماضیه دون ، ییقلمش بر  
عالم استخوان ! .. امان یارب !  
- اوبزم آنلی شانلی ماضیمز . -  
صکره آنی مؤبداً زندان !

بزه سلطان سلیم اولک او  
مشعل مغنویسی اولملی در  
بوفلا کتده رهبر یکتا .  
خارجی داخلی مهالکه بز  
هپ اونکله تقابل ایتلی یز .

نوره گلز خلل صواعقدن  
ایکیسندن ده بونلرک یانسه  
یانار انجق مشاغل ایمان !

موت پیر و جوانی بر کوریور . ،  
بزی دشمن ده او یله کور ملی در .  
دائما همسلوک و هم مقصد . ،  
بلکه ده اولمالی بو محشرده  
کنجمز اختیار من همسن !  
وطن انجق او کون مخاطره دن  
قور تولوب ، نجم طالع اسلام ،  
— که دیمکدر هلال عثمانی —  
اولور البته دافع ظلمت ،  
قالور البته ثابت السیران . .

دیدیکم یولده دعوت ایلر ایسه ک

شانلی تاریخمز اجابت ایدر . ،  
کورونور هر طرفده رایتمز . ،  
عالم انقلابدر عالم ،  
صبر ایله ، سعی ایله ، متانت ایله ،  
وطنی دائماً صیانت ایله  
حیرت افزا نتیجه لر کورولور .  
اوילה بر کون کلیرکه والدہ من  
بزه البت حیات تازه ویرر .  
شیر مجروح بغتہ قالقار ،  
نیجه کوه وقلاعه صائل اولور !  
قوریلان تاجلر اوکون قیریلیر ،  
چارپاینده درت ذلیل اکیلیر !  
اوילה طاقمازسه اونلری یاخود  
خونه غرق ایلمزسه شیرژیان !

او کوچک تاجلر که اصحابی  
کاسه لیس قدیمی سلطنتک . ،  
بری ایلقلی باغچوانی ایدی ..

دیگری سوزده یاور اکرم.  
بری قیلمشدی سارقانه حلول ،  
بری ایتمشدی خاناً عصیان !

درت اوشاق ، عاقبت ، نصل دییهیم ؟  
صانکه تصنیع اتفاق ایدرک ،  
علنی رخصتیه اوروپانک  
بی خبر بر افندینک که بز ،  
ایتدیلر مال و ملکنی یغما :  
نعمت و نانه قارشی بر کفران !

بزه قارشی اویشدیلر ، لکن  
یه جملر صوکنده بر برینی .  
بزه قارشی چالشدیلر . ، بز ایسه ،  
او بودق ! صکره ییلدیر ملرله  
اویانوب - اویله بر اویانمق که -

برده باقدق که هر طرف کابوس !  
 بر طاقم خسته فکر و خولیا لر  
 بزده حالا تحکم ایتمکده !  
 او یا نقلقده وار دیمک نقصان .

جمله اقوام ایچون ضروری در  
 اخروی ، دنیوی برر غایه . ،  
 یا شامنز غایه سز بو جمعیت ،  
 هله بز اخذ ناردن اول .  
 خصما مژدن عبرت آلمالی یز .  
 خصما مژ که هم ده بر برینه ،  
 هم ده بر دینده ، خصم جان ایدیلر ،  
 صکره بر مقصد ایتدیلر تعقیب .  
 کسب قوتله اولدیلر واصل . -  
 غایه دنیویه اسلام  
 بز ی توحید ایدن خلافتدر . ،  
 - که سیاسی بو هم ده دینی در -  
 عقل ایچون ، نقل ایچون ، سیاست ایچون ،

وطن وملتک نجاتی ایچون ،  
 او بیوک قوتک نفوذندن  
 - اوئی تحکیمه حصر همت ایله  
 مستفید اولمالی علمداران .  
 یورومزسهک بو یولده بی آرام ،  
 شیمدیکندن وخیم اولور انجام .  
 بو معزز وطن اولور حتی  
 بشقه اولاد ایدینمکه محتاج !  
 قالماز اولاد اخرت کبی ده ،  
 اولورز بر یتیم قوم عقیم !  
 دیلرم بن کی احترازنده  
 اوله مخطی بو شاعر نادان .

بر زمان بر کوچوک عشیرت ایکن ،  
 قوجه بر دولت ایله بن ایجاد ..  
 حاکم بحر و بر بوقوم اصیل ،  
 بومعظم ، بوقهرمان ملت .  
 صبر ایله ، سعی ایله . کلیر بر کون



ینه اظهار ایدر بیوکلکنی ؛  
 ینه مشروعاً اتحاد ایدرک ،  
 قیلارز اسکی حالی استرداد ؛  
 قوه عقل و قوه بازو ،  
 ایده جکدر ، ایدر باذن الله ،  
 خصمی لرزان و عالمی حیران !

ای وطنداش ! سنک قدر بنده ،  
 ضربه قهر ایلله المناکم ؛  
 بیلمش اول ، لکن اولمادم مایوس ؛  
 بکا اوی سنده ایتمه قطع امید :  
 — خسته باقی وَ خسته لق فانی ! —  
 بو تسلیده اول وَ برده دوشون  
 اک کثیرالتغیرات عالم  
 شبهه سز ، عالم سیاستدر .  
 اونی ماهر و مقتدر بر ال  
 دوندیرر اقتضای حاله کوره .  
 او تجارتکه دولده بوکون

حکم ایدن شرکت منافعدر .

اشتراک منافع اقوام

دشمنی دوست و دوستی دشمن ایدر .

بوکا مانع دکل نه همدینلک ،

نه ده تدقیق ایدلسه ، باعثدر

اختلاف مذاهب و ادیان .

(ختم)

عبدالحمید صابر











## آثار جلال نوری بك

### كندی نقطه نظر مدن حقوق دول

شمدي به قدر أوروبا و خرسيتيان حقوق دولی تلقی اولونان بو علمی تنقیداً يازلمشدر . باشلی باشنه بر عثمانلی مسلك فنيسی تشکيل ايدر . شمدي به قدر كرك عالم اسلامده ، كرك بمالك عثمانیه ده بوزمينده بو قدر مهم بر کتاب نشر ايدلامشدر . بتون فصلار مصاحبه شکلنده يازلمشدر ، بناءً عليه ارباب حقوقدن اوليانلر ايجون بيله قولايجه اوقونور .  
ه غروش

### شمال خاطره لری

بالخاصه تدقيق و مطالعه و احوالزله احوالی مقایسه ايجون يکی روسیه ، کوچك روسیه ، بيوك روسیه ، بالطق ، فینلانديا ، اسوج ، نوروج و دانمارقه به اجرا ايدیلن سياحته طوتیلان مراق انکیز و مصاحبه شکلنده کی نوطلردن متشکلدر .  
ه غروش

### حوائج قانونیه من

بر چوق حوامج اساسیه قانونیه مزدن باحث و علی العموم قوانینمز حقنده مطالعات صائبه بی محتویدر .  
ه غروشدر .

# اتحاد اسلام

جلال نوری بکک اک مهم اثریدر ، اتحاد اسلام فکرنندن ،  
 أوروبا پولتیقه سندن ، اُمپه ریالیزمندن ، اهل اسلامک حسیات و  
 ترقیابندن، ترك فکرمیلیسندن و علی العموم سیاست حاضره ایله مسائل  
 اسلامیهدن باحثدر . داعی عظیم الشان عبدالحق حامدک بو اثر حقننده  
 سویلیدیکی شو منظومه بزى اوزون اوزادی به سرد مطالعه دن وارسته  
 قیلار . ۱۲ بچق مجلدى ۱۰ غروشدر .

ادیب الهام نصیب جلال نوری بک افندی به

سرور ایله او قودم — اتحاد اسلامی —

دوشوندیکم کبی بولدم ، نه لازم اعلامی .

مرام او وحدت مشروعه نك تأسیسی در

که شمدی اورویانک غایه توسوسی در .

نه شبهه ؟ اوندن اولور منبعث خصوصتلمر ! —

بیوک ، کوچک بزى تهدید ایدن حکومتلمر ،

او اتحادی تصور قیلنجه رعشاندر . —

اگرچه شمدی او بر قوه پریشاندر ،

یارین فضای شریعتده طویلانور البت .

جهان کورر او زمان بر جهان ذی هیبت ! —

او آنده خلقمن آکلار ، بلا اقلیت ،

دیانت اولدیغنی بزجه محض ملیت ؟

سیاست اولدیغنی ساحه شریعتده ؟

شریعت اولدیغنی رحله طبعتهده ؟



— صلیبه ایتماک اوزره اعاده اعلام ، —  
 خلافت اولدیغنی رأس واحد اسلام !  
 و بزکه حضرت عیسانی اولمه مش بیلیرز ،  
 اونک دخی او زمان ساحه سنده یوکسلیرز :  
 هلال سمت سجادن ، ایدوبده رفع ظلال ،  
 و برنجه ارض جلیلیه مشفقانه سلام .  
 اوکون عدالتزدن بشر قالور خوشنود ؛  
 تورد ایتمه حیلولتنده غرب عنود ! —  
 بیوک کتابکزی بن همان دکل تبریک ،  
 دیلردم ایتمک او تبریکه جمله بی تشریک .  
 نه در تمین ایدر چاره ؛ چاره علت ؛  
 اولنجه سوزلرکز نقش خاطر ملت .  
 او هپ نقود حقایقدر ، ادخار ایدرز ؛  
 خزینه کزله تصدق و افتخار ایدرز .

۲۷ نیشان ۱۹۱۳

عبدالحق مامر

« اتحاد اسلام » اثری حقنده « رسمی کتاب » مجموعه سنده  
 کورولن فقره در :

« جلال نوری بک افندی برادر مزك (اتحاد اسلام عنوانلی  
 الحق شایان احترام بر اثر انفسی اخیراً ساحه مطبوعات زینتساز  
 اولمشدر . اونه دن بری اتحاد اسلام فکریله چیرپینان اسلامله  
 بو اتحادک غایه سندن ، امکان حصولندن بحث ایدرک بر تمیل طاشی  
 وضع ایتمک موافق اولان جلال نوری بک بو اثریله حقیقه مهم

بر خدمتده بولنمشدر . بعدما اتحاد اسلام دینیلدکجه مشوش  
و غیر قابل حل بر مسئله اوکنده قالمیه جغمزی بو اثرک دلالتیله  
تأمین ایدم بیلیرز . بوتون مسلمانلر بو اثری بهمه حال او قوملی،  
کتبخانه لرینک اک معتنا موقعنده بولندیر ملی درلر .

نشر اولنان مختلف اثرلری و بالخاصه اتحاد اسلامیه جلال  
نوری بک کنجلیک ایچون بر وسیله مفخرتدر . کندیلرینی عن  
صمیم تبریک ایدر و بو مهم اثرک مطالعه سنی بلا تفریق بتون  
قارئ و قارئه لر مزه جدآ توصیه ایدرز .

# قادیئلر مزه

مسلمان و برک قادیئلرینه دائر بتون مسائل احتوا ایدر . اک  
تجدید پرور بر لسانله ، اک انقلابکار بر مقصدله یازلمش یکانه اثر مزدر .

فیاتی ۷ بحق مجلدی ۱۰ غروشدر

بو اثر حقنده «رسملی کتاب» مجموعه سنده کورولن فقره دره :  
«جلال نوری بکک یکی و یکی اولدینی قدر مهم ویا کر بر  
موضوعده قلمه آلدقلری بر اثر نفی سدرکه تقینده موقع انتشاره  
وضع اولنمشدر . مسائل اجتماعیه مزک اک مهم بر فصلنی تشکیل

ایدن قادین مسئلهسی حقنده شایان دقت و مفید بر چوق معلومات  
و مطالعاتی محتویدر . بوتون مندرجاتی بر دقت مخصوصه ایله  
مطالعه و تدقیق اولمالیدر . مملکت مزده شرف و ناموس دائره سنده  
یشامق ایچون حلقه محتاج اولدیغمز مسائل حیاتیه نك اك باشلیجه .  
لرندن بریده شبهه سز قادین مسئله سیدر . بو نقطه نظر دن اثری  
بو مسئله معضله ده مفید و معقول بر باشلانغیج اوله رق قبول  
ایده بیلیرز . مطالعه سی هر کسه توصیه اولتور .

---

۱۳۲۷ سالنیک اتحاد و ترقی قونفره سنه

جلال نوری بکک مخطره سی

بتون مصائبی اولدن کشف ایدر جالب مراق بر مخطره ده .

فیاتی ۲ غروشددر

---

عبده ابلیس

جلال نوری بکک پدر عالیقدر لرلی، عیاندن نوری بک افندی  
حضرتلری طرفندن یازلمش یزیدیلر حقنده تدقیقات مهمه بی  
محتوی بر اثر در . فیاتی ۱۰۰ پاره در .

# تاریخ تدنیات عثمانیه

## مقدّمات تاریخیه

انحطاطمرك اسباب وسوائق تاریخیه و روحیه سی کوسترد بو ایکی جلد شو صوك زمانلرده ملتیزی الك زیادہ دوشوندیرن اثرلردر . بو درجه ده آچیق و قطعی بر لسان ایله نقائصزدن بحثه بو کونه قدر کیمسه جسارت ایدہ مامش ایدی . نسخہ لر بر قاچ کون ایچنده کاملاً توکندیکندن کتبخانه عاجزانه مزجه تکرار طبع ایدلمشدر . ایکی اثر مؤلف طرفندن توحید ایدیلرک باشند آشاغی تصحیح و بر فصل مهم علاوه ایدلمشدر . فیاتی ۱۵ مجلدی ۱۷ بچق غروشدو . مواد اساسیه سی شونلردن عبارتدر :

تدنیات داخلیه ، عنصریه ، اداریه ، اقتصادیه ، بدنیه ، اخلاقیه ، دینیّه ، فکریه ، خصوصیه ، خارجیه . — قادین . معیشت ، ادبیات مسئله لری . — شیعہ تتبع . — قدر نادانی . — استانبول مسئله سی . — کوستا و لوبونک نظریاتی و بز . — هزیمتک اسباب غیر عسکریه سی . — تبعه خرسیتیانیه نک استخلاصی . — تاریخ استقبال : بعث بعد الانحطاط . — شاه دارو . — وطن ، ملت ، دین حسلی .

مقایسات تاریخیه : اندلس ، روما ، قدیم یونانستان ، یزانس ، تاتار حکومتلری ایله حکومت عثمانیه . — مجدد و ترقی فصل اولور ؛ روسیه . جناب شهاب الدین ، سلیمان نظیف و عبدالله جودت بکلرک تقریضات و مطالعات مهمه لری .

جلال نوری بکک فرانسزجه اثرلری :

	•Pstr.	Para
Cauchemar !	15	—
Une année de liberté	2	—
Le Droit public et l'Islam	4	—
Le diable promu «Dieu»	4	—

جلال نوری بکک دردست طبع بولنان آثاری

# قطب مصتاری

مشاهدات ، محاکات ، مقایسات ، حکایات ، استغراقات و نسیانی  
محتوی مصور بر اردو . قریباً نشر اولنه جقدور .

# تاریخ استقبال

بتون مسائل فکریه حاضره نی احتوا ایده جک و اعتقادات اسلامیه نیک و نهج شرعی ، تعدیلی لزومنی میدانه قویه جقدور . شمدیه قدر بو قدر مهم مسائل اعتقادیه و فکریه مملکت مزده موضوع پباحثه اولامشدی . بوده پک یقین زمانده چیه جقدور .



# اقوم السیر

( جواب )

قیلچ زاده حق بك طرفندن نشر اولنان « اعتقادات باطلهیه اعلان حرب » نامنده کی اژده مندرج « اقوم السیر » فقره سنه باب منیخت مکتوبی قلمی مسودی دوزجه لی یوسف سعاد افندی طرفندن یازلمش بر جوابدر . یوسف سعاد افندیك مقدما یازمش اولدقلری مفصل « اقوم السیر » ی ، قیلچ زاده حق بكك « اعتقادات باطلهیه اعلان حرب » ی او قویانلر بهمه چال بو اثری ده او قوملیدرلر .  
فیاتی ۱ غروشددر .

# صوک جواب

قیلچ زاده حق بك طرفندن بالاده کی « اقوم السیر » . جواب اولمق اوزره یازلمش درت فورمهلق بر اژدو . صوک جواب ، موی . الیهك « اعتقادات باطلهیه اعلان حرب » سرنامه لی اثرینه ذیل مقامنده در ، برنجی کتاب . بو ذیل ایسه یالکمز ۲ غروش فیاتله صائلقمده در .



## اجتہاد

اقتصادی، اجتماعی، ادبی مجموعہ

ہر ہفتہ پنجشنبہ کونلری چیقار حریت فکریہ  
خادمیدر. سنہ ۵۴، آلتی آیلنی ۳۰  
غروشد. ممالک اجنیہ ایچین سنہ لکی ۱۵ فرانق، آلتی  
آیلنی ۸ فرانق در.

### کتبخانہ اجتہاد

ک

اک مہم ادبی اجناسی شوندر:

کیومرل — (شیللہ رک) فاجعہ سی در. مترجمی: عبداللہ  
جودت بک در. فی ۷  $\frac{1}{4}$  غروش.

ہامدت — (شکسپیر) ک فاجعہ سی در. مترجمی:  
عبداللہ جودت. فی ۱۰ غروش.

ماقبٹ — (شکسپیر) ک مہم فاجعہ سی در؛ فی ۵  
غروش.

زول سزار — (شکسپیر) ک فاجعہ سی فی ۵ غروش.

قرال لیر — (شکسپیر) ک در. دردست نشر در.  
بوکتابلرک مرجعی جفال اوغلندہ دارالمعلمین قارشیسندہ.  
(داجنہاد، ادارہ سی) در.